



Broj: **03/1-50-14-7-35-10/17**  
Sarajevo, 8.5.2017.

**PREDMET:** Informacija o sastanku članova Zajedničke komisije za odbranu i sigurnost BiH s članovima Komisije za nacionalnu sigurnost i vanjsku politiku Islamske savjetodavne skupštine Irana, 9.3.2017.

Članovi Zajedničke komisije za odbranu i sigurnost BiH predvođeni predsjedavajućim Sifetom Podžićem sastali su se 9.3.2017. u Sarajevu s predstavnicima Komisije za nacionalnu sigurnost i vanjsku politiku Islamske savjetodavne skupštine Irana, predvođenim N.J.E. Alaodinom Boroujerdijem.

Na sastanku kojem su, osim predsjedavajućeg Podžića, prisustvovali i članovi Zajedničke komisije za odbranu i sigurnost BiH Bariša Čolak, Šemsudin Mehmedović, Mario Karamatić i Hanka Vajzović, razmijenjena su iskustva o organizaciji i osnovnim funkcijama radnih tijela parlamenata dvije zemlje koja se bave pitanjima iz domena odbrane i sigurnosti.

Predsjedavajući Podžić izrazio je zadovoljstvo činjenicom da između dvije prijateljske zemlje, kakve su Bosna i Hercegovine i Islamska Republika Iran, ne postoje otvorena pitanja, te naglasio neophodnost daljnjeg unapređenja razmjene međusobne parlamentarne saradnje. Podžić je istaknuo da Bosna i Hercegovina pozdravlja odluku Međunarodne agencije za nuklearnu energiju IAEA, kojom su u januaru 2016. ukinute sankcije Islamskoj Republici Iran, ocijenivši da će njihovo ukidanje dodatno stabilizirati stanje u zemljama Evrope i svijeta. Podžić je zaključio da u Bosni i Hercegovini postoji opći konsenzus svih političkih struktura kada je u pitanju njen put ka EU integracijama.

Predsjedavajući Doma naroda PSBiH i član Zajedničke komisije za odbranu i sigurnost BiH Bariša Čolak zahvalio se predstavnicima iranskog parlamenta na posjeti Bosni i Hercegovini i izrazio želju da se saradnja između dvije države u predstojećem periodu još više učvrsti, naročito na polju ekonomije i sigurnosti.

N.J.E. Alaodin Boroujerdi zahvalio se članovima Zajedničke komisije za odbranu i sigurnost BiH te napomenuo da Islamska Republika Iran i Bosna i Hercegovina imaju aktivnu bilateralnu saradnju već 25 godina. On je naglasio da je Iran u najtežim trenucima za našu zemlju, krajem 90-ih godina prošlog stoljeća, pokušao pomoći narodima Bosne i Hercegovine, te istaknuo da se politika ove zemlje prema BiH temelji na podršci njenom suverenitetu i teritorijalnom integritetu, kao i na podršci suživotu svih naroda koji žive u njoj.

Na sastanku su sagovornici diskutirali i o učešću građana drugih država u sastavu paravojnih jedinica ekstremističkih grupa ISIL-a, osuđujući odlazak tih lica na ratišta u druge države i njihovo učešće u ovim radikalnim grupama.

Predsjedavajući Zajedničke komisije

**Sifet Podžić**

**Dostavljeno:**

- naslovu

- a/a